



Adresa: **Ul.H.Čemerlića 39A**
71000 Sarajevo
<http://www.voda.ba>

tel. +387 33 726 444
fax. +387 33 726 423
e – mail: info@voda.ba

Broj: **UP-1/21-1-40-352-5/22**

Datum: 04.08.2022. godine

«Agencija za vodno područje rijeke Save» Sarajevo rješavajući po zahtjevu pravnog lica „GLOBAL ISPAT KOKSNA INDUSTRIJA“ d.o.o. Lukavac za donošenje rješenja o prethodnoj vodnoj saglasnosti za ispuštanje tehnoloških otpadnih voda iz postrojenja za prečišćavanje, koje se planira graditi u krugu Filter stanice za preradu vode Modrac u Lukavcu, na osnovu člana 109. stav (1) tačka 2. Zakona o vodama («Službene novine Federacije BiH», broj 70/06) i člana 200. stav 1. Zakona o upravnom postupku («Službene novine Federacije BiH», broj 2/98 i 48/99), donosi

RJEŠENJE **o prethodnoj vodnoj saglasnosti**

1. Pravnom licu „GLOBAL ISPAT KOKSNA INDUSTRIJA“ d.o.o. Lukavac daje se prethodna vodna saglasnost za ispuštanje tehnoloških otpadnih voda iz postrojenja za prečišćavanje, koje se planira graditi u krugu Filter stanice za preradu vode Modrac u Lukavcu, na zemljištu označenom kao k.č. broj: 38 K.O. Bakovići, općina Lukavac a u postupku pribavljanja urbanističke saglasnosti.
2. Prethodna vodna saglasnost daje se u postupku izdavanja okolinske dozvole, urbanističke saglasnosti za objekte i aktivnosti za koje nije potrebna okolinska dozvola i u postupku izdavanja koncesije na vodama i vodnom dobru.
3. Ova prethodna vodna saglasnost ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
4. Prethodna vodna saglasnost se daje na osnovu pregleda dostavljene projektne i druge dokumentacije, utvrđenog činjeničnog stanja i pod slijedećim uslovima:
 - 4.1. Izraditi i revidovati investiciono tehničku dokumentaciju za ispuštanje tehnoloških otpadnih voda iz postrojenja za prečišćavanje, koje se planira graditi u krugu Filter stanice za preradu vode Modrac u Lukavcu. Investiciono-tehnička dokumentacija mora biti urađena na nivou projekta za pribavljanje odobrenja za građenje.
 - 4.2. Investiciono-tehnička dokumentacija treba biti urađena od strane projektne firme koja ima pribavljeno ovlaštenje od strane Federalnog ministarstva poljoprivrede, vodoprivrede i šumarstva (lista «A») a u skladu sa odredbama Zakona o vodama i treba da obradi sva pitanja definisana članom 5. Pravilnika o sadržaju, obliku, uvjetima i načinu izdavanja i čuvanja vodnih akata, koja su bitna za konkretan slučaj («Službene novine Federacije BiH, broj 31/15, 55/19 i 41/20), a naročito:
 - Proračun potrebnih količina vode za nesmetan rad poslovnog objekta;
 - Tehničko-tehnološko rješenje objekata za prikupljanje i prečišćavanje tehnoloških otpadnih voda i ispuštanje u recipijent sa svim potrebnim proračunima, tehničkim opisom i grafičkim priložima;
 - Proračun količina i sastava otpadnih voda koje mogu nastati u poslovnom objektu i pripadajućim objektima (manipulativni i parking prostor);
 - Uzdužni profil odvodnog cjevovoda od uređaja za prečišćavanje tehnoloških otpadnih voda do definisanog recipijenta, sa detaljem ispusta prečišćenih voda u definisani recipijent;
 - Na preglednoj situaciji prikazati cjelokupan lokalitet sa planiranim objektima (poslovni objekat, manipulativni i parking prostor, uređaj za prečišćavanje tehnoloških otpadnih voda i sanitarno-fekalnih otpadnih voda, mjesto ispuštanja);
 - Ocjeniti mogućnost nastajanja i drugih uticaja planirane gradnje na režim voda ili uticaj režima voda na predmetni lokalitet, objekte, stanovništvo, okolinu i sl. sa definisanjem mjera kojima se onemogućuje ili smanjuju štetne posljedice od voda;

- Projektnom dokumentacijom predvidjeti okno iza uređaja za tretman tehnoloških otpadnih voda i prije miješenja sa bilo kojim vodama na lokaciji, u kome će se vršiti monitoring prečišćenih voda, a prije ispuštanja prečišćenih otpadnih voda u definisani recipijent;
 - Tehničko rješenje skladištenja i postupanja sa opasnim materijama i otpadom nastalim na predmetnom lokalitetu;
 - Projektnom dokumentacijom predvidjeti tehničko rješenje skladištenja i postupanja sa muljem koji nastaje nakon prečišćavanja otpadnih voda iz predmetnog objekta
 - Projektnom dokumentacijom obuhvatiti i situativno prikazati cjelokupan lokalitet sa pratećim sadržajima, definisati tačan položaj/lokaciju objekata u odnosu na druge objekte;
- 4.3. Usvojenim sistemom prečišćavanja tehnoloških otpadnih voda mora se obezbijediti kvalitet efluenta u skladu sa propisanim graničnim vrijednostima u skladu sa članom 15. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj: 26/20 i 96/20.
5. Nakon ishodovanja Rješenja o urbanističkoj saglasnosti od nadležnih službi, potrebno je podnijeti zahtjev za donošenje Rješenja o vodnoj saglasnosti na projektnu dokumentaciju. Pored investiciono – tehničke dokumentacije urađene u skladu sa uslovima datim u dispozitivima ovog Rješenja, Investitor treba dostaviti i dokumentaciju navedenu u skladu sa članom 8. i 19. Pravilnika o sadržaju, obliku, uslovima, načinu izdavanja i čuvanja vodnih akata.
 6. Ovo Rješenje o prethodnoj vodnoj saglasnosti Investitor će koristiti u postupku dobijanja urbanističke saglasnosti i ona definiše sve uslove koje projektna dokumentacija treba ispuniti sa aspekta voda u skladu sa Zakonom o vodama.
 7. Prethodna vodna saglasnost se daje sa rokom važenja od 6 (šest) mjeseci od dana pravosnažnosti ovog rješenja, u skladu sa članom 111. stav 3. Zakona o vodama.
 8. Ukoliko nakon izdavanja ove prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavjestiti ovu Agenciju, odnosno kantonalno ministarstvo, prije podnošenja zahtjeva, odnosno obavezno navesti okolnosti u zahtjevu za izdavanje vodne saglasnosti.
 9. Ova prethodna vodna saglasnost se može izmjeniti ukoliko nastupe razlozi utvrđeni u članu 130. stav 1. tačka (1)., (2)., (3). ili (4). Zakona o vodama («Službene novine Federacije BiH», broj 70/06), a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice „GLOBAL ISPAT KOKSNA INDUSTRIJA“ d.o.o. Lukavac, zahtjevom zaprimljenim u ovoj Agenciji dana 12.07.2022 godine obratilo se za donošenje rješenja o prethodnoj vodnoj saglasnosti za ispuštanje tehnoloških otpadnih voda iz postrojenja za prečišćavanje, koje se planira graditi u krugu Filter stanice za preradu vode Modrac u Lukavcu, na zemljištu označenom kao k.č. broj: 38 K.O. Bakovići, općina Lukavac a u postupku pribavljanja urbanističke saglasnosti.

U provedenom postupku dostavljena je i pregledana slijedeća dokumentacija:

- Aktuelni izvod iz sudskog registra matični broj sUBjekta 1-12685 od 14.04.2022 godine izdat od strane Općinski sud u Tuzli-ovjerena kopija,
- Ovjerena kopija Katastarskog plana, razmjera 1:2500, broj: 05-26-1-2231/2022-1 od 22.06.2022. godina izdata od Službe za urbanizaciju, imovinske i geodetske poslove, Grad Lukavac;
- Ovjerene kopije zemljišnoknjižnih izvadaka ZK uložak 1452 broj: 3846/22, od 25.03.2022. godine izdati od strane Općinskog suda u Tuzli;
- Dokaz o uplaćenju administrativnoj taksi 80 KM,
- Izvod iz prostornog plana općine Lukavac broj: 05-19-službeno/22 od 05.07.2022 godine izdat od Službe za urbanizaciju, imovinske i geodetske poslove, Grad Lukavac;
- Mišljenje o predmetnoj lokaciji broj: 05-10-SL/22 od 05.07.2022 godine izdato od Službe za urbanizaciju, imovinske i geodetske poslove, Grad Lukavac
- Studija za izdavanje prethodne vodne saglasnosti za potrebe izgradnje objekta za prikupljanje, tretman i ispuštanje tehnoloških otpadnih voda sa filter stanice Gikila, urađena od strane „SPREČA“ d.o.o. Tuzla, januar 2022 godine.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 124. stav (1) Zakona o vodama i člana 1. Pravilnika o izmjeni dopuni pravilnika o sadržaju, obliku, uvjetima, načinu izdavanja i čuvanja vodnih akata (Sl. novine FBiH», broj 41/20), o zahtjevu je dana 16/17.07.2022. godine obaviještena javnost putem obavještenja u dnevnim novinama „Oslobođenje“. U ostavljenom roku nije bilo pisanih izjašnjenja o predloženim aktivnostima iz zahtjeva.

U skladu sa članom 124. stav 1. Zakona o vodama o zahtjevu je dana 18.07.2022. godine obaviještena javnost putem obavještenja na oglasnim pločama „Agencije za vodno područje rijeke Save“ Sarajevo. U datom roku nije bilo pisanih izjašnjenja o predloženim aktivnostima iz zahtjeva.

Na osnovu uvida u raspoloživu dokumentaciju, utvrđeno je:

- Lokacija planiranih objekata- postrojenja za prečišćavanje, koje se planira graditi u krugu Filter stanice za preradu vode Modrac u Lukavcu, na zemljištu označenom kao k.č. broj: 38 K.O. Bakovići, općina Lukavac. Od kompleksa GIKIL, filter stanica je udaljena oko 4 km. Postrojenje će biti smješteno na adi između rijeke Spreče i rijeke Jale.
 - Sa južne i jugozapadne strane predmetne parcele protiče rijeka Spreča i nizvodno od jezera Modrac, od ušća rijeke Jale se ubraja u vodotoke I kategorije.
 - Nakon obrade sirove vode na filter stanici (dekarbonizacija vode za tehnološke potrebe fabrike GIKIL i sanitarne vode iz bunara za potrebe opštine opštine) nastaju velike količine tehnološke otpadne vode koje su opterećene suspendiranim i taložnim materijama.
 - Ove vode su kontinuirane (uzorkovanje i slavine) i diskontinuirane (odmuljivanje bazena, pranje pješčanih filtera i pranja bazena za pripremu sirovina) sa promjenjivim sadržajem suspendovanih materija od 2000 mg/l do 94 000 mg/l.
 - Zbog velikih oscilacija u količini i kvalitetu otpadnih voda odabran je tretman otpadnih voda koji se zasniva na gravitacionom taloženju mulja te njegovog mašinskog dehidriranja.
 - Postrojenje će činiti dvije linije vode i dvije linije mulja tako da je proces definisan prema količini otpadnih tokova koji nastaju u toku 12 sati.
 - Linija vode će se sastojati od: razdjelni šaht, ulazno sabirno okno, taložnici, egalizacioni bazen, izlazno sabirno okno i šaht za monitoring.
 - Linija mulja će se sastojati od: silosi za mulj, pumpna stanica za ugušćeni mulj i filter presa za mašinsku obradu mulja.
 - Recipijent tehnoloških otpadnih voda sa predmetne lokacije rijeka Jala.
 - Obezvodnjeni mulj je planiran da se privremeno odlaže u kontejnere u zatvorenom objektu gdje će se nalaziti i filter presa a sve postavljeno na betonsku ploču. Mulj će se povremeno transportovati na finalno odlagalište,
 - Osnovni podaci za izgradnju objekata i sama aktivnost u njima definisana je Studijom urađenom od strane „SPREČA“ d.o.o. Tuzla, januar 2022 godine;
- Rok važenja od 6 (šest) mjeseci u tački 7. ovog Rješenja dat je iz razloga što su rješenjem o vodnoj dozvoli broj: UP-I/25-3-40-699-6/18 od 24.06.2019.godine i rješenjem o izmjeni rješenja broj UP-I/25-3-40-699-10/18 od 30.09.2021. godine propisane rokovi u kojima se trebaju završiti određene aktivnosti a sve do 19.12.2023 godine a samim tim i ovim rješenjem uskladio rok sa navedenim rješenjima.

Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, kao i onemogućavanja degradacije kvaliteta voda, podnosiocu zahtjeva su ovim vodnim aktom, u tački 4. dispozitiva Rješenja, shodno odredbama Zakona o vodama, Pravilnika o sadržaju, obliku, uslovima i načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije propisani su uslovi koje je Investitor dužan ispuniti prilikom izrade projektne dokumentacije koja se dostavlja uz zahtjev za izdavanje vodne saglasnosti.

Na osnovu prednjeg i provedenog postupka, a shodno odredbama člana 111. Zakona o vodama i člana 5. Pravilnika o sadržaju, obliku, uslovima, načinu izdavanja i čuvanja vodnih akata, doneseno je Rješenje kao u dispozitivu.

Podnosilac zahtjeva je uplatio upravnu i administrativnu taksu u iznosu od 80 KM u skladu sa Zakonom o federalnim upravnim taksama i tarifi federalnih upravnih taksi («Službene novine Federacije BiH», broj 6/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15,00 KM takse, prema tarifnom broju 3. Tarife federalnih administrativnih taksi.

Voditelj postupka:

Ahmedić Behija dipl.inž.tehn.

Po ovlaštenju
Rukovodilac sektora za izdavanje vodnih akata



Haris Ališehović, dipl.inž.građ.

Dostaviti:

- „GLOBAL ISPAT KOKSNA INDUSTRIJA“ d.o.o. Lukavac, Željeznička br.1, Lukavac
- AVP Sava, ISV-vodna knjiga
- ⊙ Org.jed. 40 – arhiva
- Oglasna ploča AVP Sava